

# C O P P I E

DE LA LETTRE ES-  
critte à Monsieur Desdigue-  
res, par la Roynne.

1614.

THE NEWBERRY  
LIBRARY

<sup>r</sup>  
COPPIE DE LA LETTRE

escripte à Monsieur Desdiguieres *Caet*  
par la Roynne. *F*

32

1326

MON COUSIN.

1614 m

**M** Je ne me suis tant hastée de vous  
escrire sur le subject du partement de ce-  
ste Cour de mon Népueu le Prince de  
Côdé, & des autres Princes, qui en mes-  
me temps s'en sont aussi retirez, d'autât  
que mon neueuaiait pris congé du Roy  
monf. & Fils, & de moi, avec promesse  
de reuenir toutes & quantes fois qu'il en  
seroit requis, pour le bien de son serui-  
ce, & les autres aiant fait le semblable,  
i'ay tousiours creu que cet esloignemēt  
estoit plutoft pour visiter leurs maisons,  
& se donner le plaisir de la chasse pour  
quelque temps, comme mondit Neueu  
& les autres ont fait souuent, que pour  
aucun autre besoin: Neantmoins ayant  
appris plutoft par bruit commun que

par aucun autre aduis que i'aie eu de leur part, qu'ils monstroient auoir quelque mescontentement. I'ay fait ce qu'il m'a esté possible pour m'en esclaircir plus particulièrement, & avec autant plus de soin que ie crois qu'ils en ont moins de sujet. Car s'ils se plaignent pour ce qui est de leur particulier interest, ie puis dire avec verité que mondit Neveu, & tous lesdits Princes, ont tousiours esté bien veus caressés, accueillis, & honorez par le Roy mondit sieur & Fils, & par moy, qu'ils sçauroient raisonnablement desirer. Et pour ce qui touche l'administration des affaires; outre que par la forme ordinaire que nous obseruons, tous les Princes, Ducs, & Officiers de la Couronne, sont admis aux Conseils qui se tiennent pour cest effet. Il est certain qu'il ne s'est exposé aucun traicté, ne negocié aucun affaire importante que lesdits Princes, & spécialement mondit Neveu, ny ayent tousz

3  
iours esté appelez: & mesmes qu'elles  
ont esté souuēt differées & remises pour  
attendre leur commodité; & presence: &  
d'auantage, pour le regard de la distribu-  
tion des graces & biens faits, chacū d'eux  
en leur particulier, & tous ceux qui ont  
esté recōmandez de leur part, en ont de  
si bons, vtiles, & aduātageux effers, qu'ils  
n'ont raison de s'en plaindre. Si par apres  
il est questiō des affaires generalles, elles  
ont esté administrées depuis la mort du  
feu Roy mon Seigneur, de telle sorte  
qu'il se peut recognoistre que nous n'a-  
uons riē obmis de ce qui pouuoit seruir  
au bien, & grandeur, & reputation de  
ceste Couronne: ayant pris soin pour le  
dehors de conseruer les amitez anciēnes  
d'icelle, avec tous les Princes & Estats  
voisins, ce que par la grace de Dieu nous  
a succédé si heureusement, que i'amaïs  
elles ne furent en meilleur estat. Et  
pour ce qui est du dedans du Roy-



aume, ayant donné ordre comme chacū  
ſçait, à faire obſeruer ſoigneuſemēt tous  
les Edicts de pacification entre les ſujets  
du Roy monſ. & Fils, & de maintenir  
touſiours & conſeruer entre eux vne  
bonne paix, vnion, repos & tranquillité,  
outre que i'ay apporté tout ce qui eſtoit  
de mon pouuoir pour le ſoulagemēt du  
peuple: & puis dire que i'en ay eu tant de  
ſoing, qu'écōre que nous ayōs eſté char-  
gez de grandes & exceſſiues deſpences,  
neantmoins l'on n'a fait aucunes leuées  
ny impositions extraordinaires, & qu'au  
contraire, il ſe trouuera qu'elles ont e-  
ſté diminuées en pluſieurs occaſions: &  
d'auantage nous auons maintenu & cō-  
ſerué tous les autres Ordres & Eſtats, cha-  
cun en leur authorité & fonction accou-  
ſtumée. Tellemēt que ie ne puis cognoi-  
ſtre quels veritables fondemens leſdits  
Princes; ny autres, puiſſent prendre, de  
ſe plaindre, ny pour le general, ny pour

54  
le particulier. Neantmoins, considerant bien que ceste retraicte avec ces tesmoignages de mescontentement, & bruits qui s'espandent & augmentent, à ceste occasion pourroient produire de mauvais effects dans les prouinces, au prejudice du repos public: Je desire prendre sur ce les moiens les plus conuenables pour y remedier: & pour cet effet ayant fait assembler les Princes, Officiers de la Couronne, & principaux du Conseil qui sont pres de nous, i'ay resolu par leur aduis d'enuoier mō Cousin le Duc de Vantadour, & le sieur de Boissise Conseiller au Conseil d'Estat du Roy, monf. mon fils, vers mondit Neveu le Prince de Cōdé, pour le conuier & prier de reuenir aupres du Roy, monf. mon fils, & de moy, pour prendre & tenir le lieu & rang qui est deub à sa qualité, & nous y donner les conseils & assistances sur toutes les occurrences: mesmes sur les grands & impor-

rans affaires qu'auons sur les bras, à quoy  
i'esperois qu'il se deust resoudre à leur  
arriuée aupres de luy, suiuant la promes-  
se qu'il en auoit faite à son parlement: ce  
qu'il n'a voulu faire. Donc en suite de ce  
pour monstrier clairement la verité & sin-  
cerité de mes actions passées, & recher-  
cher les voies qui sôt les meilleures, pour  
donner vn bon ordre & affermissement  
au bien de cest Estat à l'aduenir: mesme  
sur l'entrée de la maiorité du Roy, mon-  
dit fleur & fils. I'ay aussi estimé à propos  
de faire faire vne conuocation des prin-  
cipaux de tous les Ordres & Estats de  
chacune Prouince de ce Royuame, pour  
en faire vne notable assemblée, en la-  
quelle l'on puisse prendre des resolutiōs  
conuenables à la dignité d'icelle, & au  
sujet pour laquelle nous la faisons con-  
uoquer. C'est ce que ie puis escrire pour  
le present sur le suiet de ce qui se passe  
de deça, dont ie vous supplie de tenir



7  
aduertir ceux qui sont sous vostre charge, & de prédre garde à chacun en ce qui depéd de soy, afin q; toutes choses soiét contenuës sous l'obeyssance du Roy mondit sieur & fils, & l'obseruation de ses Edicts, selon l'ordre accoustumé, sans qu'il luy soit apporté aucune nouveauté ny alteration: & que l'on s'oppose à tous ceux qui voudroient en quelque sorte que ce soit, troubler le repos de l'Estat, & preiudicier au bien public, & du seruice du Roy, mondit sieur & fils: Et sur tout vous aduertirez les Villes, & Cómunautés qui sont sous vostre charge, de faire bonne garde, & de s'opposer à toutes guerres & menées qui se pourroient faire parmy eux, contre le repos & tranquillité & le seruice du Roy mondit sieur & fils, ainsi que nous leur mandons par lettres expresses: & que ie m'asseure que sçaurez bien faire obseruer. Priant Dieu qu'il vous aye, mon Cousin, & sa sainte garde. Escrite à Paris le 12. Feurier 1614.